

烈祖成績

安積覺編次

卷十六

リウ5  
742  
16



佛門  
號 742  
卷 16



烈祖成績卷之十六 起慶長十六年正月終十九年九月

安積覺 編次

慶長十六年辛未正月朔大將軍以酒井家次為使前右大

臣秀賴以大野主馬首治房為使賀正 治房修理亮治長弟 七日神祖

為狩遠州出駿府至田中九日放鷹榛原十日至中泉留數

日十八日還駿府城 年譜創業記家忠日記 十九日安部新四郎重吉

卒年八十二神祖幼寓于駿府重吉近侍不離左右故神祖

悲悼之 家忠日記 二十一日三位法印島津龍伯薨大將軍以揖

斐與右衛門為使賻白金一千兩 家忠日記松榮紀事○創業記曰殉死龍伯三十餘

人三月六日神祖如京師扈從步騎十萬餘人十一日至名

烈祖成績卷之十六

護屋留一日。十七日入二條城。二十日右兵衛督義直常陸

介賴宣。並叙從三位。為參議。兼右近衛權中將。家忠日記松榮紀事作左

近衛今從公卿補任賴房叙從四位下。為右近衛權少將。年譜創業記家忠日記松榮紀事

藤原光豐來傳密旨曰。今將以公為太政大臣。賜菊桐紋。神

祖辭曰。相國則闕之官。非臣所敢當也。願贈曩祖大炊介義

重及考廣忠官。則幸莫大焉。菊桐紋後醍醐天皇所嘗賜足

利尊氏也。往時新田足利兩雄爭威。今以菊桐紋賜臣。是足

利氏之榮。而非新田氏之榮。不如以家世所傳葵為紋也。兩

卿歸奏。天皇嘉歎之。二十二日贈新田義重鎮守府將軍。先

考廣忠公大納言。上御權大納言藤原兼勝。奉行職事。右中

將藤原實有傳宣。年譜創業記松榮紀事岡崎城主本多豐後守康重

疾革。大將軍以松平助十郎勝次為使。問其輕重。是日康重

卒。年五十八。子伊勢守康紀嗣。家忠日記本多系圖松榮紀事二十三日神

祖整衣冠於勸修寺。光豐第入朝拜謝。參議義直賴宣參河

守忠直從之。賜杯酒。光豐扶持之。退朝。光豐饗神祖於勸修

寺第。是日最上義光為少將。左右無所考堀尾忠晴叙從四位下。

二十七日。天皇傳位于皇太子政仁親王。年譜創業記松榮紀事是日。

參河守忠直叙從四位下。為右近衛權少將。公卿補任家忠日記先是

神祖使織田有樂言于前右大臣秀賴曰。秀賴昏成。未來謁。

烈祖遺蹟

想年已長。須來京師。永結兩家之好。此太平之基也。秀賴長於大阪。未嘗跬步離內。性又不慧。所生大虞院。多猜忌。不許入京。群臣知其不可。而不敢出一語。嫡母高臺院時在京師。往大阪諭曰。右府不往。則恐忤大御所之意。加藤清正保其無他。大虞院意解。秀賴初出大阪。至伏見。浪花戰記。織田老犬留守大阪城。難波戰記。上野介信包。剃髮號老犬。二十八日。秀賴如京師。神祖悅。使義直賴宣迎之東寺。織田有樂。加藤清正。淺野幸長。池田輝政。藤堂高虎等二十餘人步從。秀賴輿入二條城。神祖座正殿北。秀賴坐其南。贈神祖以真盛大刀。名刀號一文南泉。字刀。左文字短刀。駿馬一匹。黃金三百枚。猩猩皮三張。緞子

二十卷。錦十卷。義直賴宣其餘執政近臣。各有贈遺。高臺院亦來會。獻酬禮畢。家忠日記曰。饗禮甚盛。創業記曰。設饗隆盛。然神祖慮秀賴不耐煩。唯命杯酌。難波戰記。松榮紀事亦云。三獻禮畢。今從之。神祖贈秀賴以左文字刀。名刀號鍋吉。藤四郎。光短刀。蒼鷹三。良馬十匹。諸書無馬。今據創業記。秀賴告歸。至東山。視經營大佛殿。詣豐國社。加藤清正步從輿旁。秀賴至伏見。駕舟還大阪。舟中清正進酒。年譜。創業記。家忠日記。松榮紀事。四月二日。神祖遣參議義直賴宣於大阪。謝秀賴來謁。贈白金一萬兩於秀賴。白金二千兩。錦三百屯於大虞院。白金一千兩。紅花三百斤於侍女。秀賴出迎河上。導義直賴宣入牙城饗之。極其精腆。各贈佩刀一雙。緞子一百卷。三日。義直賴宣出大阪。至伏

見五日。還二條城。年譜創業記家忠 六日。眞壁城主淺野彈

正少弼長政卒。年六十五。第三子采女正長重嗣。家忠日記

十二日。皇太子即位。是爲後水尾天皇。神祖裏頭竊觀其儀。

一乘院尊覺法親王。後陽成帝皇子 日野唯心。藤原晴光子權大納言輝資剃髮號唯心

侍側禮畢。神祖入朝賀之。年譜創業記家忠 是日。神祖命天

下諸侯。上誓書三條。年譜家忠日記松榮紀事數目載十四

日。饗公卿於二條城。作申樂。是日。命諸侯修營禁闕。使修理

職內匠寮掌其事。奉公田於上皇供給之。天皇上皇大悅。松榮

事。十七日。神祖往知恩院。松江城主堀尾帶刀吉晴卒。子出

雲守忠晴紹封。創業 十八日。神祖發京師。列侯各歸本藩。二

十八日。還駿府。年譜創業記家忠 五月七日。大將軍第四子

幸松麻呂生于江戸城。德川系譜源流綜貫所生神尾氏稍

保科氏名正之後賜松平氏至正 六月二十四日。熊本城主

加藤肥後守清正卒。年五十。長子虎之助忠廣在江府。喪除

襲封。歸肥後。年譜創業記家忠 七月。命板倉勝重。米津清右

衛門。大久保長安。下驛馬人夫之制。課天下諸侯。築禁闕壘

壁。厚八尺。板倉勝重監之。又遣勝重第二子重昌於京師。巡

視壘壁。年譜家忠日記 創業記曰。每步銀二貫五百錢。松

勝重命梓人中井大 阿媽港人東魯訥。齋西域海船總兵官

東適我書。來于長崎貢獻。問往年殲阿媽港商人。請賜印章

通商賈東魯訥彼國貴族也。故神祖名見之。命林道春代本  
 多正純復書。揭往年阿媽港人燔殺肥前商之罪。許通商賈。  
 賜符。又作長谷川藤廣。後藤少三郎光次書。諭阿媽港酋長  
 父老通商船。羅山文集。松榮紀事。八月十三日。神祖遊淺間山。放大銃。  
 隔二町餘。三發皆中正。鵠近臣雖放。多不能中。年譜。創業記。  
日記。松榮紀事。午間有鳶集前殿樓上。放銃連擊三鳶。其二墜地。其  
 一傷足飛去。人皆服其精妙。駿府記。松榮紀事。二十四日。加藤忠廣  
 來謁駿府。謝賜肥後。駿府記。家忠日記。長谷川藤廣來謁駿府  
 上言。明及南蠻異域商船來泊長崎。凡八十餘艘。神祖悅。細  
 川忠興獻遣豐前商船於暹羅。所得象牙白絹孔雀豹等物。

駿府記。松榮紀事。二十八日。神祖狩于駿州淺島。年譜。創業記。是月。會津  
 地大震。蒲生秀行城郭石壁悉壞。駿府記。松榮紀事。阿部正次為大  
 番頭。更番伏見城。松榮紀事。常陸下野盜起。松榮紀事。下野作上野。今據家忠日記。  
 神祖使服部仲細井金兵衛久永源兵衛捕之。賊聞之。結黨  
 嘯聚源兵衛。遣邏卒。搜索山林。擊殺數十人。從兵禽賊二人。  
 仲金兵衛悉誅其黨類。梟首于小山芋加羅新田等地九十  
 三所。家忠日記。松榮紀事。九月十一日。大將軍第三女為嫁越前少將  
 忠直。來謁駿府。時十一歲。名喝食。嫁忠直。生越後。中將光長。稱高田殿。土井利勝  
 從之。神祖鍾愛之。使居第二城。十五日。作申樂。使孫女觀之。  
 名列侯大饗之。十八日。孫女赴越前。利勝及渡邊山城守茂

護送之。創業記、駿府記、家忠日記、松榮紀事十九日。神祖使林道春讀建武式

目。議其得失。駿府記、松榮紀事二十七日。臨藤堂高虎第。觀申樂。義

直賴宣及近侍群臣悉從。日野唯心。圓光寺僧三要。金地院

僧崇傳等侍焉。年譜、駿府記、家忠日記、松榮紀事二十八日。越前少將忠直

合盃禮成。創業記、家忠日記、松榮紀事二十九日。毛利三次郎就隆初謁

神祖。駿府記、就隆輝元第二子、長門守秀就弟後任日向守是月。呂宋人來貢駿府。獻

蒲萄酒南蠻蠟綾絹等物。去歲京師高田中勝介。就後藤光

次上言。東海之東八九千里。有濃毘須般國。自古不通我邦。

願往覓其國。神祖許之。是月。勝介獻五色羅紗葡萄酒。云其

國多金銀。戒以日本人不可再來。駿府記、松榮紀事十月二日。以加

藤忠廣年幼。遣藤堂高虎於肥後。監其國事。監使牟禮江右

衛門。小津瀨兵衛從之。松榮紀事不日、家忠日記係十六日、今從駿府記。○按元和元年大阪之

役有監使小澤瀨兵衛。小津蓋小澤之訛。六日。神祖如江戸。中路放鷹各所。年譜、創業

記、家忠日記、松榮紀事本多正純。安藤直次。成瀨正成。村越直吉。松平

正久等扈從。給日野唯心俸米五十石。水無瀨一齋八十石。

一齋藤原親氏子。左近衛權中將親具。剃髮號一齋。山科少將藤原言緒。言經子。後舟

橋秀賢。冷泉侍從藤原為滿。為益子。至權大納言。各賜黃金衣服。從駕。

此輩常侍左右。舉典故。談古今。故神祖親之。駿府記、松榮紀事十日。

大久保忠鄰長子加賀守忠常卒。年三十二。大將軍悲悼之。

駿府記、家忠日記、松榮紀事十四日。神祖至神奈川驛。大將軍來謁。十五

日。神祖放鷹稻毛。十六日。入江戸城。列侯出于品川。芝金杉  
迎之。二十日。大將軍饗本多正純以下駿府扈從群臣。賜鶴  
羹及茶。二十一日。神祖放鷹近郊。大將軍設申樂於大城。使  
群臣觀之。山科言緒。冷泉為滿。舟橋秀賢。侍大將軍側。二十  
二日。以神祖之命。又設申樂。使夫人觀之。列侯母及女子。為  
質在江府者。皆許登城觀之。賜饗。駿府記。松榮紀事。二十四日。大將  
軍饗神祖於大城。出迎門外。世子竹千代麻呂。弟國松麻呂。  
出迎玄關。兩幼孫執神祖左右手。入燕寢。大將軍親捧膳。本  
多正信侍坐。談及政事。二十五日。神祖往增上寺。賜觀智國  
師白金衣服。二十六日。放鷹戶田。二十九日。放鷹河越。年譜。創業。

記。駿府記。家忠。日記。松榮紀事。是月。神祖使舟橋秀賢監畫工狩野某所畫  
大内及日本大社圖。松榮紀事。命長谷川藤廣遺書呂宋國王。贈  
刀一雙。賜符許通高船。又遺書占城國王。賜刀一柄於國王。  
衣服於國王夫人姊妹。諭賣奇楠香。皆使林道春作書。駿府記。羅  
山文集。松榮紀事。十一月五日。至忍城。大將軍以土井利勝為使。起  
居。六日。大將軍狩于鵠巢。九日。遣觀智國師。土井利勝。成瀨  
正成於新田。搜訪新田義重義貞舊跡。十三日。神祖自忍城  
還河越。以中將義直在駿府患痘瘡。將歸駿府。大將軍自鵠  
巢來謁。是夜觀智國師。土井利勝等。還自新田。曰。有老農言。  
世良田近郊有古寺遺址。是義重義貞之舊跡也。利勝使民



夫堀之得瓦石古佛神祖悅建一寺於新田金山麓號大光

院創業記駿府記家忠日記松榮紀事為先考廣忠公創松應寺於岡崎並附

封戶許住持僧著紫衣義重及廣忠公贈官敕書藏在二寺

松榮紀事○按造立二寺非此時事本十四日大將軍還江

府大將軍性至孝每事盡誠神祖遊獵之地每日以近臣問

安供張治具莫不周悉神祖大悅駿府記松榮紀事

臣按孝百行之本物則民彝皆由是立然其要必以愛敬

為先真德秀釋天子之孝曰孝之為孝不出愛敬二者而

已推愛親之心以愛人而無所疾惡推敬親之心以敬人

而無所慢易則天下之人皆在吾愛敬中矣先聖述天子

之孝以及士庶人然無外乎愛敬二者也揚子雲曰孝莫

大於寧親寧親莫大於四表之驩心台廟能盡愛敬之道

而得神祖之驩心以及四表其為孝亦大矣神祖既開基

業而台廟善述其志人心率服德澤被乎遐裔守文主器

以垂憲於萬世盛矣哉

十五日義直痘候平安之報至故神祖緩歸期十六日至神

奈川大將軍來謁創業記駿府記家忠日記松榮紀事是日上杉景勝來謁十

七日伏見街市火燒千餘宇延及諸侯第宅駿府記十八日神

祖至藤澤大將軍還江府是日佐竹義宣來謁十九日至中

原鎌倉莊嚴院僧獻保曆間記駿府記松榮紀事二十三日還駿府

年譜創業記家忠日記松榮紀事晦陸奧海溢仙臺及南部津輕海濱溺死

者八千餘人駿府記松榮紀事是月明人來駿府神祖召見之命長

谷川藤廣凡外國船不問何津來泊者悉送長崎點檢之駿府

記松榮紀事十二月十三日松平政宗嫡子虎菊麻呂加首服于

大將軍前授諱字名忠宗賜三原正家刀家忠日記○本書

長子忠鄉初謁大將軍時九歲按忠鄉元此下書有馬豐氏

服叙任實在十八年書于下文故不取十五日琉球使來

駿府獻藥物土宜年譜創業記駿府記家忠日記二十一日神祖放鷹田中

二十六日還城駿府記晦犬山城主平巖主計頭親吉卒年七

十無子嗣絕年譜家忠日記○創業記曰神祖聞主計頭死

不得其所甚無謂也是月神祖命吉田了以鑿河引淀河達于三條以

通漕運創業記駿府記羅山文集松榮紀事是歲增山口重政采邑五千石通

前食一萬五千石賜一尾通春采邑一千石家忠日記○本書

通春八年初仕麾下十八年為淡路守蓋追書之也久留島右衛門佐康親卒年三十

一其子通春嗣通春後任丹波守植村法印卒年七十三土佐守泰

仕披寺澤二郎忠清志摩守廣高長子叙從五位下為式部少輔松

平利隆子新太郎來謁江府時三歲大將軍賜國俊短刀家忠

日記新太郎長而名光政任少將領備前及備中數郡神祖下令運諸國貢稅於江府

藏于大將軍倉庫美濃伊勢及近江十三萬石之貢稅藏于

駿府松榮紀事

十七年壬子正月朔大將軍以本多忠朝為使前右大臣秀

賴以薄田隼人正兼相為使賀正。年譜創業記七日神祖為

狩于遠參尾三州之地發駿府。至田中十五日。至吉良。是日。

藤堂高虎還自肥後獻地圖言國事。十七日遣使京師獻放

鷹所獲鶴於上皇。二十日至岡崎。二十六日詣大樹寺松應

寺拜先塋賜寺僧物。二十七日。至名護屋命城隍土木事於

成瀨正成竹腰山城守政信播磨太守池田輝政罹疾。二十

九日神祖遣使問之。二月三日狩于遠州界川二川等山。列

卒五六千人放銃飛矢多獲猪鹿。四日至中泉大將軍以成

瀨豐後守為使起居神祖。十一日還駿府。年譜創業記駿府

紀事但還駿府三書作六三月十一日大將軍如駿府本多

正信大久保忠鄰酒井忠世土井利勝青山圖書助山口重

政神尾五兵衛水野忠元井上半九郎正就等從駕。正就安

定吉孫井上半右衛門清秀子有故更氏十七日大將軍入

駿府西城二十五日神祖饗大將軍於牙城設申樂二十六

日茶會日野唯心京極忠高接待神祖親點茶事畢神祖出

投頭巾櫛柴二小壺擇取之大將軍取投頭巾小壺拜戴而

退。年譜創業記家忠日記○駿府記松榮紀事竝曰此陶器

茶人紹鷗所愛初見之不覺投頭巾故名之當世無雙珍

器時人二十八日大將軍臨藤堂高虎駿府第觀申樂二弟

義直賴宣從之。創業記駿府記家忠日記松榮紀事是月伊豆般若院僧快運

獻續日本紀神祖使林道春讀之又召道春講論語參覈東

鑑盛衰記異同。駿府記松榮紀事本多正純部下士岡本大八與有馬晴信交通欺晴信使賂執政多得金銀自為互市寄書晴信詐云有密旨應以往年晴信破蠻船功賜鍋島信濃守管内數郡之地晴信信之大悅遺書正純謝之正純不解書意白神祖輒召晴信按問之大八知罪重自首捕之下獄知其不可免告獄吏曰往年晴信忌長谷川藤廣謀欲殺之獄吏以聞乃鞠問晴信得實獄決使大久保長安幽之於甲州郡内晴信遂自殺燔殺大八於阿倍川上神祖命晴信子左衛門佐直純曰父有罪伏誅其子不可釋然直純自十五歲時近侍盡忠又不與父之奸謀故新賜采邑四萬石宜鎮長崎

非紹襲父封也。

創業記駿府記家忠日記松榮紀事

是春神祖養故松平康元

之女為子嫁毛利秀元東山大佛殿成初豐臣秀吉營大殿元年七月地大震殿倒像壞秀吉叱像曰安置佛像欲使國家安泰也今不能庇其身何能救人因彎弓射之迎信濃善光寺佛像安置之未供養而秀吉薨無何國家多事時人流言善光寺如來移于他所則其地必凶乃送還佛像于信濃七年秀賴使鑄毘盧遮那大像治工誤失火像燬堂宇悉為灰燼比年神祖使人言于秀賴曰宜造大像以畢太閤之志願秀賴命其宰片桐且元再造之十五年梓人中井正次鳩工營構神祖使京尹板倉勝重與且元議董其事至是大像

殿堂告成

秀吉譜松榮紀事

勝重抵駿府。上言京師庶務。神祖謂勝

重曰。近世多奉耶蘇宗者。宜令天下一切禁斷。攘斥邪徒。京

師有耶蘇寺院。宜悉毀之。小笠原權之丞。神原加兵衛等。以

奉邪法。悉流竄之。大將軍命麾下士。以十人為保。互相糾察。

故邪徒皆屏息。有馬直純奉命。招淨土宗僧幡隨於高來郡。

闡揚其法。耶蘇邪徒化之多。變法者。其不變者悉誅之。松榮紀事

四月二日。加藤忠廣來謁駿府。謝紹父封。獻黃金一百枚。時

服二十領。創業記駿府記。鍋島勝茂遣使駿府。獻黃金五十枚。

猩猩皮三十尋。以謝亂斷岡本大八之姦詐。其父直茂亦獻

黃金。駿府記松榮紀事。九日。土屋民部少輔忠直卒。年三十五。家忠

日記

松榮紀事。大將軍淹留駿府。面受時務所宜。十日。發駿府。還江府。

年譜創業記駿府記家忠日記松榮紀事諸書入江城日闕無所考。十四日。今川氏真入道宗

闇。自京師來謁駿府。神祖款接談舊。駿府記松榮紀事。○按

年七十九日。比叡山南光坊僧正天海。謚慈眼。來駿府。告住

武州仙波喜多院。神祖賜白金衣服。給封戶。自是天海眷遇

日渥。駿府記松榮紀事。是日。致仕常陸介佐竹義重卒。二十日。吉田

城主松平民部大輔忠清卒。年二十八。無子嗣絕。創業記家忠日記松

榮紀事德川系圖。二十五日。傳奏廣橋大納言藤原兼勝。勸修寺大

納言藤原光豐。遣使告曰。春日祠官上言。大宮及若宮千木

損折。災異荐見。故天皇齋戒慎之。神祖報曰。兩宮歲月既久。

故損壞耳。大將軍須修造之。卿等勿以為災異也。年譜創業  
記。松榮五月十四日。會津若松城主蒲生飛驒守秀行卒。年

三十五。子忠鄉嗣。時十歲。神祖之外孫也。年譜家忠日記。松  
榮紀事。忠鄉後任

下野守。至從四位下參議。○創業記曰。秀行好酒。放  
縱多不法。及卒。侍童本山主膳岡左衛門二人殉死。六月二

日。神祖分置江府街衢。命後藤光次。賜京師及泉州界津商

人宅地。駿府記。松  
榮紀事二十七日。使本多正信。酒井忠世。牒于肥

後。處分加藤忠廣部下之士。九鬼志摩守良隆。長門守  
守隆子來駿

府。初謁神祖。賜來國次短刀。家忠  
日記是月上。皇弗豫。神祖使水

無瀨一齋。山科言緒。舟橋秀賢。冷泉為滿等。還京師候之。各

有贈遺。駿府  
記加藤忠廣之江府。謁大將軍。還至駿府。神祖賜

國次國光雙刀。忠廣還藩。駿府記。松  
榮紀事以小笠原信之為古河

城主。賜二萬石。創業記。松榮紀事。舊武州本所一萬石。○創  
業記。松榮紀事。並曰。移封古河。城主松平康

重於笠間。食三萬石。按六年二月。康重封笠  
間。食三萬石。見上文。二書疑有誤。故不取。江府有亡賴少

年。結黨相聚。可三百人。著姣衣。佩大刀。狀貌異常。或白晝殺

人。或凌辱婦女。世稱歌部伎者。麾下少壯之士。喜以此徒為

奴隸。浸淫諸國。無慮三千餘人。人皆苦之。大將軍下令捕之。

獲數十人。處法。麾下之士。亦有其黨。按之得實。竄穗阪長四

郎。阪部金大夫于越後岡部。藤次于南部。米津助十郎於津

輕。黨與悉伏誅。創業記。駿府  
記。松榮紀事七月。內藤豐前守信成卒。年六

十八。子紀伊守信政嗣。家忠日記。松榮  
紀事。內藤系圖因果居士自京師來

駿府神祖嘗識之故召見之問曰汝尚存乎年幾對曰八十

八使留于駿府時時召之談往事駿府記松榮紀事○據信長記信長譜信長公在安

土時淨土法華二宗僧作法論因果居士斷之曹洞宗僧也暹羅商獻緞子緋羅鮫皮神

祖召見之使近臣問南蠻諸國事駿府記松榮紀事圓光寺僧獻黃

氏日鈔三十卷僧三要遺留物也駿府記八月四日呂宋船主

類子獻緞子及蜜二壺長谷川藤廣上言我商往明及呂宋

等諸國貿易而歸明及諸蠻商舶多來泊白絲十四萬斤其

餘絹帛綾羅捆載而來阿蘭陀舶來泊平戶駿府記松榮紀事十三

日神祖漁于瀨名川年譜創業記家忠日記十五日明商一官祖官獻

藥物神祖召之問異邦事駿府記松榮紀事十六日命本多正純附

米二萬石於春日社修營神殿駿府記是月池田輝政疾瘳來

駿府神祖慰勞之輝政之江府謁大將軍眷遇殊渥賜松平

氏及蜂屋鄉刀良馬二匹家忠日記松榮紀事吉田了以遣商舶於安

南每年往來後藤光次啓之至是獻紅絲緋紗綾沈香縮沙

斑猫葛上亭長等藥物神祖慈仁政事之暇用意周摯異域

之事長谷川藤廣言之商賈之事後藤光次言之佛寺之事

金地院長老崇傳言之務欲天下人民產業豐足各得其所

故如此駿府記松榮紀事九月三日松平輝政至駿府朔日神祖設

茶會饗輝政山名禪高藤堂高虎接伴賜壁上所揭虛堂墨

蹟若狹正宗刀及鷹馬給放鷹地於攝州輝政拜謝之京師

十八日輝政拜參議大將軍所汲引也創業記作十三日輝政至駿府十五日神

祖饗之今從家忠日記松榮紀事二十七日下制三條于一乘院定興福寺

法式年譜家忠日記是月蒲生忠鄉來謁駿府創業記本多政朝為甲

斐守水野元綱為備後守並叙從五位下家忠日記松榮紀事元綱分長子分

長更稱彈正忠是秋東大寺子院僧福藏院中澄院北林院

入三倉盜寶器事發覺京尹板倉勝重捕三僧拷掠伏辜出

寶器勝重告狀駿府江府處法大將軍遣永井白元檢庫中

物敕使柳原右少辨藤原業光隨例監臨封庫創業記家忠日記故

權中納言秀康之家老本多富正久世但馬岡部伊豫守牧

主殿弓木左衛門上田隼人竹島周防守共執國政爭權不

輯睦有人讒之於少將忠直曰此輩私取官庫金銀時久世

但馬與岡部伊豫有忿言伊豫怒欲往駿府訴之十月與牧

主殿出越前不之駿府而登高野山但馬據己家不出越前

騷擾本多富正亦被讒在府中城然重公事十九日率兵馳

至北莊圍但馬家但馬放銃矢拒之富正之兵多死傷富正

厲衆急進攻破之但馬父子及部下之士一百五十人皆鬪

死弓木左衛門上田隼人相繼自殺事平富正以功得雪寬

今村掃部助○據淺井軍記今村掃部助國平為淺井亮政部將豈其子乎未詳清水丹波守

與富正積不相能二人往駿府訴之創業記松榮紀事閏月二日神

祖如江府中路放鷹十二日至江府二十日放鷹于忍松榮紀事



作二十七日今從創業記家忠日記大將軍放鷹鵠巢十一月十二日更松平

忠利參州西郡采邑一萬石賜吉田城三萬石四月吉田城

主松平忠清卒無子故有是命賜忠利舊邑四郡地五千石

於忠清弟玄蕃允清昌年譜創業記家忠日記松榮紀事十三日本多富正

今村掃部助清水丹後守至忍相訟神祖使土井利勝聽之

利勝往掃部助旅寓呼富正坐二人之間審聞其訟劄記夜

既闌神祖名利勝利勝不起徐書二人之辭捧至神祖前神

祖取之讀二三行謂利勝曰當抵江戶與大將軍聽此訟二

十六日神祖還江府二十八日神祖召本多富正今村掃部

助清水丹後守於西城斷其訟大將軍與聞焉掃部助丹後

守辭曲竄掃部助於仙臺丹後守於巖城富正以辭直歸越

前執政如故創業記流竄二人係十二月二日十二月二日

神祖發江府歸路放鷹各所十二日修造禁闕仙洞宮殿十

五日神祖還駿府城年譜創業記家忠日記松榮紀事十八日黑田長政長

子萬德麻呂加首服於神祖前稱右衛門佐賜長光刀正宗

短刀及鷹馬家忠日記是歲神祖使安藤重信命中國九州諸侯

課役丁鑿江府津口以通漕運又修築江城塹隍石壁修營

名護屋城松榮紀事增青山幸成下總高崎邑一千石安藤重信

小美川地五千石通前一萬石安藤系圖曰增給小美川結城采邑一萬石通前一萬石

千石附賜松平重勝越後三條城以為上總介忠輝之臣家忠

日記松榮紀事○家忠日記曰重勝時為大番頭自為忠輝之臣以其子淡路守重政為大番頭生駒正俊

叙從四位下松平隆信為壹岐守戶田忠能土佐守高次子為因幡

守畠山義直為長門守松平康信為若狹守紀伊守家信長子後叙從四位

下為丹波篠山城主寬文七年致仕判髮號別峯並叙從五位下時田權之助來侍

駿府去年前右大臣秀賴來于二條城神祖謂片桐且元曰

自今秀賴麾下一萬石以上之士須遞番來住駿府一兩年

何則無事送日則士風易損宜來習勤恪故權之助來侍大

阪之士侍于駿府是為其始大阪神祖使三浦五左衛門正

重子龜千代更三浦氏稱土井甚太郎家忠日記本書曰甚

之妹也故使冒母氏元和九年又復三浦氏稱志摩守大將軍以土井利勝使于駿府

神祖賜黃金一千兩於利勝下法式於戶隱山顯光院曹洞

宗總寧寺龍穩寺大洞院各五條真言宗長谷寺三條德永

法印壽昌卒年六十四子出雲守可重嗣稻垣平右衛門長

茂卒年七十四子藤助重綱嗣家忠日記重綱襲稱平右衛

是年大野治長寄書松平利光為資右府之用乞貸黃金一

千枚利光即上其書於駿府神祖覽之曰近年秀賴大修神

社佛寺其費不貲宜有此事竟不問他書所不載附以備攷

十八年癸丑正月朔大將軍以酒井家次為使駿府二日前

右大臣秀賴以大野治房為使賀正七日神祖放鷹田中年譜

創業記家忠日記二十一日黑田右衛門佐謁大將軍賜松平氏授

諱字名忠之賜佩刀一雙松平輝政疾發使其子利隆歸藩

看護家忠日記二十五日播磨太守參議從四位下松平輝政卒

於姬路城年五十神祖大將軍甚悼惜之遣使賜賻年譜創

府記家忠日記是月大將軍奪山口重政之采邑放之先是大

久保忠鄰養石川康通之女為子嫁重政長子伊豆守重信

康通卒其子暴橫數犯法故禁錮按十二年七月康通卒

錮在其後重政以其姻婭坐之被黜與子重信屏居武藏入

間郡重政上書曰非臣求昏以忠鄰強請故結昏忠鄰聞而

深憾之創業記松榮紀事○松榮紀事曰明年忠鄰被罪亦以此故也二月朔松平忠之叙

從五位下家忠日記十五日遣安藤重信村越直吉於播磨處分

國事年譜家忠日記二十日青山播磨守忠成卒年六十三子

伯耆守忠俊嗣播磨守家忠日記作常陸介據寬永系圖忠

也但不知其在何二十四日天野三郎兵衛康景卒于相州

狩野年七十七諸士傳略康景棄城出二十五日大久保石

見守長安死年譜創業記家忠是春神祖增片桐且元大野

治長采邑各五千石大阪記○慶元記曰十九年四月神祖

治長陳謝神祖意解增采邑五千石片桐且元之弟主膳正

元重亦增采邑德川記曰六月增治長五千石按駿府記十

九年九月神祖使本多正純崇傳長老謂且元曰增市正主

膳正采邑大御所報秀賴所賜也宜感荷其恩據之則大阪

記所書為得其實而增元重四月上總介忠輝松平政宗來

謁駿府政宗忠輝之妻父也神祖饗之點茶日野唯心山名

禪高為接伴松榮先是泉州界津奉行米津清右衛門之吏

貪墨受賂。清右衛門坐之。五月二日。流于阿波。駿府記。松榮紀事。

日照光院道勝法親王。陽光院皇子。後陽成帝母弟。後更與意。三寶院門主。松榮

紀事書。三寶院法親王。按三寶院攝家清華之子。弟入室。非法親王之資。紀事誤矣。今從駿府記。又按二條關白晴良公。

子大僧正義。演天正十三年蒙准三后宣旨。來駿府。爭訴本此時三寶院門主。蓋義演也。然闕疑不書。

山當山修驗道事。神祖裁決之。下教令。定法制。逐武州不動

院。松榮紀事。十一日。以中坊左近秀政為南都奉行。襲任飛驒守。

和州諸將軍傳。秀政。飛驒守。秀祐子。十九日。賜印章於本多富正。施行越前政

務。松榮紀事。清水掃部助。今村丹後守之黨。爭訟未息。中川出雲

守。廣澤兵庫助。又訴富正事。按驗無實。故流二人。竹島周防

守。雖誣枉事釋。而恥其被逮自殺。駿府記。松榮紀事。神祖以本多丹

下成重為忠直之宰。賜丸岡城食邑四萬石。與富正與聞國

政。創業記。松榮紀事。二書並曰。成重作左衛門重次之子。太

閣。馭海內時。從秀康卿在大阪。重次以太閣之故。屏居上

總井戶。而卒。成重在駿府。近侍神祖。至是為忠直之臣。後稱飛驒守。二十日。松平利光來謁駿

府。獻白金五百枚。綿五百屯。紅絹繻絹各百匹。其臣橫山長

知。○本書書山城守。按元和元年。大膳長知任山城守。蓋追書之也。奧村河內守。奧村攝津

守。並拜謁。利光往江府。謁大將軍。駿府記。松榮紀事。六月六日。大將

軍遣安藤重信於駿府。請問處分。松平輝政舊封。神祖以本

多正純副重信。抵江府。議定。賜播磨於輝政。長子武藏守利

隆。備前及播磨完粟佐用赤穗三郡於次子左衛門督忠繼。

淡路於季子宮內大輔忠雄。十六日。制令五條。使京尹板倉

勝重奏之。其一應敕簪纓之族。家家學業。晝夜弗懈。厲精增進。其二不限老少。放縱犯法者。量罪輕重。定其年序。處流。其三日夜番直。老少弗敢懈弛。正其威儀。朝參如式。其四不限晝夜。不得無事故。而彷徨街衢。其五公宴之外。不可私會。以博賭。又不得以亡賴之徒。為青侍。違犯者。處流如先條。以上自五攝家兩傳。奏有告報。則宜武家裁斷之。年譜駿府記家忠日記松榮紀事又定僧徒著紫衣之制。大德寺。妙心寺。知恩寺。知恩院。淨華院。粟生光明寺。黑谷金戒寺。家忠日記無知恩寺而有泉涌寺今從駿府記以上諸寺住持。應未下敕許前告報。選器許之。駿府記家忠日記十九日。一尾通春叙從五位下。為淡路守。家忠日記先是召神祖女子松

平輝政夫人於駿府。慰其悲哀。二十二日。夫人還姬路。二十六日。召美作國主森忠政於駿府。眷遇款曲。諭以松平忠繼年少。輔導政事。忠政忠繼之妻父也。駿府記松榮紀事七月九日。誅大久保長安子藤十郎外記等七人。初長安以長於財利。自微賤登庸六年。至是年監金銀坑。凡十三年。每歲往來佐渡石見等諸國。收其貢稅。權勢薰灼。窮奢極欲。犯賊不可枚舉。死後姦露。捕其子七人。幽之。藉沒其家。考究屬吏。至是獄決。屬吏犯法者皆伏誅。年譜創業記家忠日記松榮紀事長安便佞多黠智。外飾廉直。而內懷貪婪。故得全其首領。鵜殿兵庫。佐佐淡路守。坐之流竄。創業記曰淡路守兄弟信長秀吉以來。以善弓削調鷹得名。故神祖召之駿府眷遇。至是連坐。弓削

多源七郎。久貝忠三郎等亦蒙譴責。○按忠三郎難波之役從軍蓋未幾被釋也

總檢校高山誕都。以善彈琵琶名於世。亦坐之。其餘檢校六

七人皆連坐褫職。創業記松榮紀事二十一日。松平忠左衛門勝隆

後任出為大番頭。領甲士七十騎。步卒五十人。家忠日記八月二

十二日。松平利隆及弟忠繼來駿府。謝紹襲。利隆獻守家刀

白金三百枚。忠繼獻長光刀白金二百枚。兄弟往江府。謁大

將軍獻物。家忠日記係七月。今從駿府記松榮紀事二十五日。和歌山城主淺野

紀伊守幸長卒。年三十八。無子。弟右兵衛佐長晟紹封。九月

十七日。神祖為放鷹如江府。二十六日。至神奈川驛。大將軍

來謁。二十七日。入江府西城。是日。沼津城主大久保治右衛

門忠佐卒。年七十七。其子相繼而死。嗣絕。年譜創業記駿府記家忠日記松榮

紀事先是阪崎對馬守孝親。宇喜多左京亮以其族中納言秀家黨於叛徒更今氏後更稱出羽

守與妹夫富田知治相訟。初孝親侍童有罪。使近習之士斬

之。近臣左門孝親之甥也。欲為之報仇。潛殺斬侍童者。孝親

怒欲誅之。左門出奔。匿知治家。時知治在安濃津城。孝親數

遣使索之。知治不肯出。孝親不勝其忿。往安濃津。欲手刃知

治。會知治在伏見。孝親徑至伏見。執知治之臣。為質以歸。十

年五月。孝親訴知治違令。匿亡命者。知治亦訴孝親之專恣。

神祖諭二人曰。吾讓闔職於大樹。頗與退隱同。須抵江府。訴

之大樹。孝親不得已。抑忿歷數年。既而左門知事露。匿於日

向縣城依高橋元種。知治之妻矜之。密授書與米三百石。黨於左門者盜其書。抵孝親之家。請贖罪。孝親喜赦其罪。至是孝親至江府。訴其事。大將軍召知治。十月八日。神祖大將軍坐正殿聽訟。執政群臣悉列坐。知治陳謝不敢匿逋逃者。爭辯不已。孝親探懷出知治妻之書進之。知治雖不知其事。而見妻之手書。辭氣俱屈。事遂決。奪知治宇和島封十一萬石。

十三年知治移封伊豫宇和島。森伊豫守今從年譜。家忠日記松榮紀事。高橋元種亦坐之。奪日向縣封七萬石。流於奧州。使立花宗茂幽之。捕阪崎左門誅之。年譜家忠日記。○松榮紀事曰。高橋右近竄於筑後柳川。按宗茂復舊封。在寬永年中。是時領奧州棚倉。今從創業記。十八日。大將

軍饗神祖於大城。家忠日記係二十日。日今從駿府記。二十日。神祖放鷹戶田。二

十三日。至河越。二十六日。召藤堂高虎於河越旅館。遣部下

士。監護宇和島。安輯士民。晦。神祖至忍。駿府記。先是信州松本

城主石川康長。或作數重。注于上文五年。黨於大久保長安。隱没戶籍。事

發覺。是月。奪康長之封。放于筑紫。創業記。諸國城主記。康長之弟肥後

守數矩。半三郎。竝奪采邑。被放。駿府記。十一月二日。大將軍放

鷹鵠巢。十九日。神祖至巖築。二十日。至越谷。是日。大將軍還

江府。二十七日。神祖至葛西。二十九日。還江府西城。駿府記。十

二月三日。將還駿府。發西城。放鷹稻毛。留二日。六日。至中原。

馬場八左衛門忠時。故武田萬千代信吉。四家老之一。告密本多正信曰。大

久保忠鄰謀反。先是忠時有罪，幽於忠鄰家。時年八十餘，以小忿有憾于忠鄰，故誣構之。正信聞之曰：「此非小事，汝忠臣也，宜厚賞之。」輒白神祖。初，正信與忠鄰執政，天下事在二人掌握，互爭威權，故有欲黜忠鄰之志。十六年，忠鄰長子忠常卒，忠鄰不勝悲哀，家居不視事。時正信亦喪女子，而無戚容，視事如平日。或謂正信曰：「始雖悲悼，今能割愛，何也？」正信曰：「子死而哀私也，可以私而廢公務哉？衆雖稱善，而識者揣其欲傾忠鄰也。至是神祖聞正信之言，大驚訝，使正信啓大將軍。大將軍問正信曰：「閣下之意如何？」正信對曰：「甚惡之。」大將軍使正信復命曰：「處忠鄰罪，唯命是從。」神祖問正信曰：「忠鄰

事幕府，忠佞何如？」對曰：「近年忠鄰有怨上之色，故政事多不與之議，而其親近幕府者皆忠鄰之私黨也。今閣下在彼，不敢動心，臣恐千歲之後，其禍將不測。昔高師直謀反，將士不從尊氏而皆屬師直，以直義之親亦不能與之抗，終降南朝，宜以之爲鑒，暫黜忠鄰，庶天下幸甚。」神祖頗惑之，然故緩其事，不急治之。松榮紀事 十三日，神祖欲再往江府，還至稻毛，大將軍來謁。十四日，神祖入西城。年譜創業記駿府記家忠日記 十八日，禁闕壘壁新宮成，輪奐壯麗。天皇徙御焉。駿府記係十九日，今從年譜創業記家忠日記松榮 十九日，秋月種長子種春。時十四歲後 詣西城謁見神祖。家忠日記 二十四日，神祖放鷹越谷河越等地。駿府記係二十五日，今從年譜創業



日記家忠 二十六日命大久保忠鄰赴京畿及西海攘斥西洋

國邪徒二十八日神祖還西城年譜創業記駿府記是歲使

井伊直孝植村帶刀泰勝守伏見城松榮紀事作植村土佐

卒紀事誤矣今守泰忠按十六年泰忠

從家忠日記 黑田長政叙從四位下有馬豐氏長子某加

首服于大將軍前授諱字名忠卿叙從五位下稱兵部少輔

賜光忠刀金森重賴為長門守出雲守可重第三子松平重成為志摩

守並叙從五位下更小笠原秀政信州飯田城移封松本城

食八萬石松榮紀事創業記作六萬石據主增封安藤重

信下野鹿沼結城地二萬五千石通前三萬五千石家忠日記松榮

英嗣家忠日記寬永系圖十九年甲寅正月朔神祖在江府西城大將軍晨入西城謁

神祖獻守家刀白金一百枚賀元正少將大澤基宿為介松

平正久水野金十郎執杯酒金森左兵衛喜多見長五郎內

藤掃部供膳禮畢列侯群士謁大將軍神祖豫命列侯群士

元日謁大城者二日謁西城二日謁大城者三日謁西城二

日前右大臣秀賴以薄田兼相為使賀正五日大將軍饗神

祖於大城親捧膳世子時十一歲亦捧殼饌大將軍親作申

樂以悅神祖國松麻呂亦作申樂時九歲是日大久保忠鄰

發小田原之京師七日神祖為放鷹下總土氣東金之地至

葛西八日至千葉九日至東金留六日。年譜創業記駿府記家忠日記松榮紀事

十四日村越茂助直吉卒。創業記駿府記十七日大久保忠鄰至京

師。家忠日記係十六日今從年譜創業記松榮紀事遣監吏于西京四條燒毀耶蘓

宗門二寺逮捕邪徒為其師者二人逃匿西國十八日神祖

還江府。年譜創業記家忠日記松榮紀事是日山形城主最上出羽守義光

卒年六十九子駿河守家親紹封。家忠日記義光記十九日神祖召

本多正信謂曰大久保忠鄰不告幕府而恣與山口重政成

婚罪在不赦宜奪其封放之執政飛驒于板倉勝重勝重

抵忠鄰旅寓傳命京師人傳聞大驚騷忠鄰聞之悉裹鎧曹

弓銃送勝重之衙衆心乃安人皆善之。松榮紀事二十一日神祖

遣安藤重信本多忠朝淺野長重松平定綱高力忠房收小

田原城是日神祖發西城至神奈川二十四日至小田原二

十五日大將軍來小田原旅館謁神祖議定大久保忠鄰罪

狀本多正信藤堂高虎與聞焉下令毀小田原外城唯留內

城二十七日神祖發小田原列弓銃卒警衛筥根山路西至

三島東至大磯平塚禁止行人是日大將軍還江戶城。家忠日記

松榮紀事是月松平忠國叙從五位下任山城守。藤井松平系圖

碑二月二日謫大久保忠鄰於佐和山使井伊直勝幽之。家忠

日記松榮紀事直勝作直俊今訂之謫忠鄰第三子右京亮教隆第四子主膳

正幸信於河越嫡孫仙麻呂。長而名忠任加賀守以年幼被寬宥紹

父忠常封二萬石如故。忠鄰第二子忠總。以出後于石川家。成亦免罪戾。仙麻呂忠總皆屏居不出。年譜創業記家忠日記○家忠日記松榮

紀事竝曰寬永二年忠任被釋元和三年教隆徙於津輕幸信徙於南部寬永五年二人被釋三日毀故大

久保忠佐所居沼津城。松榮紀事按本書去年九月忠佐卒下書曰沼津城地形不利故毀之是

歲又書曰以忠佐為忠鄰之叔父故毀其城駿府記亦然今從之是日淺野長晟來謁駿府。

謝紹襲駿府記家忠日記五日大將軍點青山幸成及近臣森川內

膳正日下部河內守大久保與十郎大久保半助等往年大

久保忠常病此輩不告官而往小田原視疾故及之。創業記松榮紀

事大久保忠鄰在佐和山僧正天海請釋其罪神祖不省。松榮紀

紀事○難波戰記松榮紀事竝曰後來井伊直孝領佐和山城以忠鄰功大任重謂之曰聞卿素無罪何不披陳以明其事

故請吾左右以訟其寃忠鄰曰深領卿意然我訴寃枉則是彰君上之信讒非人臣之所宜言也直孝深感其言成瀨系圖曰忠鄰聞以謀反被謫大驚捧一封書於駿府曰臣歷世事數君皆著忠貞臣雖庸劣不敢懷攜貳縱伏斧鑕願明臣無反心群臣恐觸神祖之怒無敢上之者成瀨正成以為忠鄰辭直遂上其書神祖亦無愠色時人稱其仇真與上二書大異雖未知其孰是而二書之說為長故併附于此

臣按本多正信以元從之勳膺樞要之寄謀略決機贊襄盡忠訐謨彌縫之功莫與為比松永久秀所謂不柔不剛不野不飾迥出常流者殆非過譽也。久秀語據羅山文集本多正信碑文然

其蹇蹇匪躬之節不勝錮籠弄權之心席勢乘機欲傾大久保忠鄰日已久矣昔齊管仲對桓公之問相不以非人情者為可夫父子天性也忠鄰喪子悲慟不能視事此人

情之常而不能自己者也。正信喪子不哀，矯激莅政，此豈人情也哉？其欲借公私之說，以排擯忠鄰，識者有以窺之矣。蓋庚子之亂，正信忠鄰從台廟，攻上田城，議既不合，而釁隙自此生矣。一旦得馬場忠時之告密，幸其投機巧言如簧，組織成錦，漢絳灌之讒陳平，其言淺而易見，故高祖立辨其誣，晉馮統之陷張華，其言深而難測，援據古今，從容近理，武帝聞之動心。正信之說，殆與統言相為表裏也。日月之明，浮雲有時而蔽之，自古傾陷大臣者，皆用此術也。忠鄰幽囚，端居思過，不欲申理冤枉，以傷君上之德，能得大臣之體矣。正信辭封大國，善以功名自終，則誠智矣。

其子正純相繼秉政，威權烜赫，謀不軌以覆其家。忠鄰竟得昭雪，而子孫復其舊封。世秉鈞軸，正信讒慝之迹，自不能掩。書曰：朕即讒說殄行，震驚朕師。其斯之謂與。

十四日，大將軍命執政奉行上誓書。凡九條：酒井忠世、土井

利勝、酒井忠利、安藤重信、水野忠元、井上主計頭正就。半九郎正

就任主計頭米津勘兵衛、島田兵四郎、八人連名。家忠日記、松榮

家忠日記、今略之十九日，巖村城主。松平系圖、巖村作、松平

家乘卒，年四十。子源次郎乘壽嗣。創業記、家忠日記、松榮二

十三日，誅米津清右衛門於阿波。年譜、創業記、家忠

平利光執高山南坊內藤如安，送于京師。南坊與如安倡耶

蘇邪法。故利光逮之。遣使白狀駿府。京尹板倉勝重捕耶穌黨類。錄送主名。至是放高山南坊。內藤如安於阿媽港。年譜創業

記家忠日記

神祖名本多正信。正純父子命曰。日本國中奉

耶穌法而速改其法者。宜赦之。不改者配津輕。正信父子。頒下諸國奉令。凡奉天主教。近世事也。大友宗麟。左京大夫義鎮。剃髮號宗麟。

在豐後國富兵彊。威震西海。每年蠻船往來。與民貿易。勸

其法。商賈大得利。故國人悅而歸之。宗麟亦喜其法。織田信

長數攻荒木攝津守村重。不能克。高山南坊素奉其法。信長

遣伴天連誘說之。南坊歸于信長。村重失援亡去。信長賞其

功。許伴天連倡邪法。故其法浸淫天下。神祖惡其害國家。固

禁遏之。來自西洋者。悉遣還本國。命南禪寺僧以心。作文論

辨邪法。喻告天下人民。是歲正月。使大久保忠鄰攘斥邪法。

無何忠鄰流竄。故命長谷川藤廣放南坊如安以下其徒一

百餘人於阿媽港。流七十餘人於津輕。創業記。松榮紀事。是月彗星

東南見。大阪殿守煙氣起。城中及市人皆以為火。馳救之。不

見其迹。人皆異之。前右大臣秀賴命片桐且元使朝鮮客李

文長占之。文長據焦氏易林占之。遇臨之坎。繇曰。人面九口。

長舌為斧。斲破瑚璉。殷商絕後。又占遇艮之益。繇曰。尋兵爭

疆。松榮紀事。尋作集。今據易林訂之。失其貞良。敗我殺鄉。○據難波戰記。敵鄉。敵函之義也。

文長曰。大凶。秀賴大驚。遣使畿內神社佛寺祈禳之。松榮紀事。難波

戰記三月六日。勅使廣橋權大納言藤原兼勝。三條權大納言

藤原實條。將抵江府。先過駿府。廣橋左大辨藤原兼賢。權大納言

總光日野右大臣藤原光慶。權大納言資勝子。四辻宰相藤原季繼。

權大納言公遠子。高倉少將藤原永慶亦從之來。永慶權中納言永孝子九日。

大將軍叙從一位。為右大臣。年譜創業記公卿補任。但松榮紀事係二月九日誤二十

六日。神祖設管絃於城中。參議藤原季繼彈箏。伶人吹笙。簫

簫。千秋樂。青海波。陵王。凡三闋。年譜駿府記。家忠日記既而勅使奉任

大臣宣旨。抵江府。諸卿從行。大將軍設申樂饗之。駿府記松榮紀事

是月。神祖命僧錄司金地院長老崇傳。選五山老宿十餘人。

以為政以德為題。作文。以寶樹多華果為題。作頌。大將軍名

之江府。以君子之德風。小人之德草。草上之風必偃為題。作

文。以法住法位。世間相常住為題。作頌。神祖使僧崇傳林道

春讀之。聞而善之。年譜創業記駿府記松榮紀事四月三日。日色如朱。五日。

駿州前濱獲異魚。形似龜甚大。頭如犬。背黑如龜甲。腹斑。尾

三股而鱗大。其重二十餘人持之。六日。雨雹寒如冬。年譜駿府記家

忠日勅使藤原兼勝。藤原實條及諸卿。還自江府。又至駿府。

二十一日。神祖設申樂饗之。兼勝實條傳密詔曰。須使大樹

女子入內。立為女御。獎神祖為太政大臣。或下准三后宣旨。

二者居一。神祖固辭相國及准三后。而奉孫女入內之詔。因

謂二卿曰。頃欲經上奏更定公卿規矩。宜借秘府及諸家記

錄騰寫之。二御諾。駿府記松二十六日。古河城主小笠原左

衛門佐信之卒。年四十五。子政信嗣。叙從五位下。襲稱左衛

門佐。家忠日記松榮紀事是月。命諸州列侯築江府及越後

高田二城壘壁。年譜家忠日記五月八日。大將軍以酒井忠世

為使抵駿府。獻白金三千枚。神祖留三百枚。還其餘。蓋創業

記據實長光刀及良馬一匹。以告拜右大臣。神祖大悅。賜良

刀於忠世。二十日。前權中納言從三位前田利長薨。年五十

三。年譜創業記駿府記家忠日記松榮紀事是月。池田越前

守重利始來駿府。謁神祖。家忠日記本書曰重利先世在本

家也故冷泉中納言藤原為滿。飛鳥井中納言藤原雅庸。以

神祖之招來謁駿府。神祖受古今和歌集奧秘於為滿。受源

氏物語三箇大事於雅庸。屢聽其講。好聚皇朝異域之書。憂

其廢絕。搜訪古書。貯之官庫。故人爭獻之。菊亭右大臣藤原

晴季獻律二卷。令九篇。松榮紀事曰令十二卷其餘闕駿

野唯心獻侍中群要抄十卷。故實抄七冊。皆金澤文庫之遺

本也。其餘猶多。送晉書玉海朱子大全朱子語類大學衍義

補二程全書文章辨體文章正宗等三十部於大將軍。藏於

江戸書庫。又命僧崇傳林道春。選五山僧徒有學術者。考索

群書治要貞觀政要續日本紀延喜式。便于治道要語抄出

之。書成。使道春讀之。恒圖治安。以通於四書六經之義者。備

顧問精於弓馬劍術者。試其藝能。至於曲藝小技。莫不舉用。本願寺門主之世臣下間。少進法印。妙於申樂。其餘申樂之長。觀世今春保生金剛。及笛鼓雜劇。名其藝者。皆召之駿府。作申樂數觀之。越前幸若大夫。以舞得名。瞽者琵琶法師。唱平家。檢校及本因坊算沙宗桂。妙于圍碁象戲者。亦召於駿府試之。故名于一藝一能者。皆能厲業。精妙其事。普聞諸宗佛法。初問淨土法要於觀智國師。後召南光坊僧正天海。屢聞天台論議。又召曹洞宗僧聽法門。命天海選延曆寺老宿正覺等數人。聞其論議。召高野山學侶大樂院多聞院庵室等者。宿聞真言論議。召興福寺總持院喜多院阿彌陀寺。聞

法相論議。召智積院及觀識坊長存坊圓福寺等。聽真言新義論議。召東大寺僧清凉院大喜院總持院等。聽華嚴論議。殆無虛日。又欲尋繹諸宗奧義。或有秘而不言者。或有粗說綱要者。僧正天海點慧。老於台教。以為維持天下者。即佛菩薩也。不宜祕之。傾倒天台奧義。不遺底蘊。神祖密受其血脈。特崇重之。屢試諸宗學術。賞耆宿碩學者。或賜金銀衣物。或給封戶於其寺。故諸宗緇徒。能通宗旨。究其精妙。據駿府記。月。屢聞諸宗論議。而非且夕事。松榮紀。六月六日。妙法院梶事。書神祖振起諸道終言之。今從之。

井青蓮院三門主。○三門主。諸書名闕。按伏見邦輔親王子。子常尹法親王居梶井。伏見貞敦親王孫尊純。法親王居青蓮院。蓋此三人也。然闕疑不書。來駿府。與延



曆寺僧徒論議台教於營中七日神祖設申樂饗三門主二

十一日遣山口直友于長崎攘斥天主教邪徒年譜駿府記家忠日記

七月十三日前田利光之臣前田對馬守永原左衛門尉奧

村攝津守本多政重等政重正信第四子○本書書安房守按明年政重任安房守蓋追書之也

抵駿府獻利長遺留物名刀二握因請利長致仕采邑十六

萬石在能登願賜利光神祖名四人如其所請使利光領之

給三萬石於利光之妻神祖之孫女諭曰利光年少汝等宜盡忠

輔導四人感泣而退駿府記松榮紀事先是前右大臣秀賴命片桐

且元鑄大佛殿洪鐘東福寺長老清韓作銘秀賴遣且元於

駿府告慶贊大像神祖躡之曰秀賴為願主宜出京師命之

且元喜歸大阪告之秀賴涓吉以八月三日為期至是僧正

天海言秀賴供養大佛以仁和寺門主後陽成帝皇子為開

眼導師妙法院門主為供養導師開眼供養皆以妙法院門

主為之則事理允愜而今以真言天台兩門主為導師恐開

坐位之爭往年太閤時德善院以真言宗居職高野木食上

人興山被寵遇皆有權勢於一時故真言宗為左坐此不可

為永制神祖命曰近世之例不足依據昔聖武皇帝造大佛

源賴朝再興供養之須用此例乃使僧崇傳作書諭片桐且

元駿府記松榮紀事秀賴召織田老犬其弟有樂大野治長及且元

弟主膳正元重問往京師之可否治長對曰雖不親往京師

而供養之式。可以行矣。若有戒心。不如不往。老犬兄弟亦以

為然。故秀賴決議不往。其日老犬歐血暴卒。時人以為不祥。

難波戰記按織田家譜老犬是年六月某日卒蓋此時事也 十八日板倉勝重片桐旦元

自京師驛言秀賴將以八月三日供養大佛。早晨仁和寺門

主開眼。日午供養。坐位以天台座主為左。關白信尚以下三

台百司悉來會。梓人中井正次獻鐘銘草藁。神祖覽之不懌。

駿府記松榮紀事 二十六日片桐旦元再以秀賴之命告慶贊之期。

神祖憤恚曰。嚮見上棟之牌。據駿府記神祖使寫諸寺棟

殿棟牌唯書大阪工匠之姓名而無梓人中井大和守以下之名故神祖怒之 又聞供養之儀皆失

事體。今見鐘銘是詛我也。何則序有葉上大釋迦葉中小釋

迦互為主伴之語。此寓代吾治世之意也。銘有國家安康之

語。此犯吾名而截之也。非詛而何。鐘銘載在駿府記家忠日

記難波戰記等諸書今略 之。二十七日奪佐野城主佐野信吉之封。使小笠原秀政幽

之以為富田知治之弟連坐。創業記駿府記 二十九日本多正純飛

驛告神祖之怒於片桐旦元。秀賴將以八月三日慶贊大像。

集天台真言僧一千。士庶鬻集供張甚盛。板倉勝重報以神

祖甚怒鐘銘不祥之語。宜稽延之。秀賴聞正純勝重之言大

驚。即停慶贊。遣片桐旦元於駿府。分疏鐘銘別無異志。旦元

畏神祖之怒。不敢入駿府。寓于鞠子佛寺。以伺動息。神祖遣

板倉重昌於京師。使五山耆宿注解鐘銘不祥之語而進之。

年譜創業記駿府記家忠日記是月移封有馬直純於高橋

元種之舊領日向縣城八月六日命僧崇傳梓行大藏一覽

十三日南蠻來貢獻絲帛等物年譜駿府記家忠日記大將軍遣阿部

四郎五郎正之於肥後監察國事家忠日記正之四郎五郎忠政季子二十八

日阪東諸國大風廬舍悉壞是月東捕寨人獻虎子二神祖

送之江府使致世子及國松麻呂創業記駿府記板倉重昌歸自京

師上五山老宿七人非鐘銘注解僧清韓被遣屏居駿府記難波戰

事松榮紀事○雍州府志曰聖護院興意法親王亦連坐此

片桐旦元久在鞠子不得晉謁大虞院聞之遣二女大藏卿

正永尼於駿府謝秀賴無他附以書大藏卿大虞院乳母而大野治長之母正永渡

邊內藏助尚之母也難波戰記載渡邊筑後守之母二位局

大阪記載饗場局以為三女皆他書所無今從創業記駿府

記家忠日記德川記大阪陣冬夏事記慶元記松榮紀事二女憚神祖之怒不輒入城寓

于街市就阿茶局本多正純取旨神祖召二女入城善遇之

二女悅慶元記難波戰記但難波戰記為三女說見上九月朔阿蘭陀來貢獻白絲

水綿緞子及藥物創業記駿府記家忠日記七日舟橋大炊助清原秀相

獻三代實錄其父秀賢遺留物也駿府記九日神祖使本多正

純名片桐旦元於城中旦元述秀賴之意謝之神祖諭曰秀

賴大樹之壻而有父子之義苟能輸赤心則吾何負之哉旦

元拜謝而退大阪二女專欲分疏鐘銘之語故急讀鐘銘習

之在途諷誦上口及謁神祖未嘗言及鐘銘事懇諭二女曰

吾常眷顧秀賴喜其成立而姦臣用事傷損國體招集浮浪之徒少壯專習武技其意將不測矣吾視秀賴猶子而彼遇我如路人甚乖所望然淀殿母子豈復有他特為姦臣所誤構成邪謀今宜斥其為魁首者瀝丹誠於將軍則義同父子恩侔骨肉彼此無有違言而兩家永為一體汝等宜報淀殿以此意其餘面諭片桐東市正悉之二女大悅出而宿于大野壹岐守治氏家治氏治家弟名據一本難波戰記本書或馬之兄據下文駿府記松榮紀事所載治氏之言治長之弟而非其子也慶元記曰四月神祖召片桐旦元於駿府詰問秀賴蓄異志旦元謝曰無之請召大野修理亮糾察之即召治長治長抵駿府陳謝神祖意解德川記曰六月召旦元難波戰記曰四月旦元治長及旦元之弟主膳元重銜秀賴之命使于駿府然憚神祖之怒不敢入府中寓于鞠子德願禪

寺七月下旬神祖謂本多正純曰市正主膳修理久在鞠子大阪租稅何人收之正純諭旨三人於是主膳修理歸于大阪旦元留于鞠子淀殿聞其不得謁見乃以三女為使云云據年譜創業記家忠日記七月神祖覽鐘銘而怒事始于此四月至六月元無其事今從年譜創業記家忠日記松榮紀事是日奪里見忠義之封謫於伯耆其臣正木大膳堯時按正木系圖堯時里見義賴子出繼大膳憲時正木氏世為里見家重正木淡路從之以為大久保忠鄰之女壻也使內藤政長本多忠朝往房州毀館山城加藤源四郎大田吉政監之年譜創業記家忠日記松榮紀事十一日片桐旦元及大藏卿正永尼將歸大阪二女就本多正純請得神祖回翰正純曰既承面諭何至復書二女強請正純不得已告之神祖神祖曰面諭悉矣無書可復宜以此報淀殿二女與旦元去駿府○難波戰記曰三女請歸大阪

神祖諭曰宜赴江府以報秀賴夫人平安三女往江戶大將軍厚待之三女悅歸駿府請復命其餘諸書皆無其事大阪記曰三女請還神祖曰尾州宰相娶故淺野左京大夫之女期已在近宜往名護屋相其禮婚成三女歸大阪慶元記亦云二女相禮今按義直卿娶幸神祖姑留且元使正純傳旨長之女在明年四月二書誤矣曰嚮諭二女吾視秀賴猶子何疎斥之有然不彰輸誠之迹則將軍之意終不可解矣且元曰秀賴挾自立之志非吾所知也輸誠之迹如何而可願承教正純不答且元曰然則往江府以承幕府之旨正純曰事之可否非吾所決歸而告之神祖神祖曰縱東市正往江府不與吾言有異第歸大阪告淀殿母子以吾言且元不得已亦去駿府至江州土山驛家忠日記曰水口驛一本難波戰記曰濱松傳舍今從創業記冬夏事記松榮紀事與二女會于傳舍二

女悅神祖之懇遇告之且元且元曰如我所聞大與此異大御所逼我以秀賴公輸誠將軍揣其端倪蓋有三事其一秀賴公避大阪城移于他邦乎其二秀賴公出之關東乎其三淀殿與將軍夫人為姊妹託事契濶往為質乎三者不得其一則事必不諧矣二女大驚然不形于色竊相謂曰此必非大御所之言東市正賣我君以媚關東討便宜以為己之計也乃急馳書於大虞院告之且元往京師與板倉勝重議事二女還大阪讒東市正有反心大虞院信之大怒曰吾雖為太閤箕帝之妾亦秀賴之所生也且為信長之姪女何赴關東受辱乎母子死於城中此吾志也乃召其宰大野治長謀

誅旦元家忠日記曰神祖留旦元於駿府使崇傳長老本多  
正純謂旦元曰聞秀賴聚兵大阪將謀不軌人皆危  
之今不速諫止之則與將軍構兵是吾憂也汝宜熟圖銷禍  
未然旦元曰此天下大事也旦元謂正純曰蒙昧不知所言願  
秀賴固辭再三神祖強之旦元謂正純曰蒙昧不知所言願  
承教正純舉三事曰今解二公之愠無出此三者宜熟思之  
旦元發駿府至土山與二女會晤云云年譜創業記駿府記  
但書綱要載不載節目德川記難波戰記大較與家忠日記相  
同而冬夏事記松榮紀事敘事得體今從之○難波戰記曰  
旦元以為三事皆難而淀殿赴關東稍為易何則往年小牧  
長秋之戰太閤皆不得志而終與大御所講和以家政所為  
質援此例以諫淀殿則或能容之然後往江府請給宅地於  
品川品川斥鹵之地築之甚難託于採石大阪遷延歲月及  
築室而成稱淀殿有病則可經二三年國家之變終不可料  
故欲以此勸淀殿大阪記曰旦元欲請宅地於駿府二說不同未知孰是附以備考先是原主水奉天  
主教逃匿關東吏卒捕送之十三日截主水兩手指印烙其  
額逐之駿府記松榮紀事十五日名和田傳右衛門惟長事麾下和

田系圖惟長憑成瀨隼人正正成願事麾下神祖念其父伊  
賀守惟政有功于將軍義昭公許之賜舊邑甲賀郡和田村  
即從大阪之役十六日松平利光來謁駿府謝紹封獻守家大刀國  
俊短刀黃金三百枚紅絹二百匹白絹一百匹神祖賜腰刀  
一雙及領加賀能登越中三州印章創業記駿府十七日大  
將軍勞築壘壁諸侯人賜白金五百枚衣服五十領馬五匹  
其餘恩賚有差創業記○藤堂高虎行狀曰是歲高虎重築  
也大野治長素與片桐旦元不協浪花戰記曰治長淀殿之  
殿親任之權傾中外旦元雖為秀賴之傅而數使于駿府受  
神祖之恩遇故治長等疏斥之每有大議多不得與聞遂成  
隙欲因事除之乃與秀賴乳母子木村長門守重成或作玄  
秀次之宰常及渡邊内藏助尚難波戰記曰父宮内少輔渡  
陸介定光子事將軍義晴公渡或作登諸

秀賴師之世稱內藏助流或船津流  
薄田兼相等議於大  
龍澤叢吉刻

書尚作亂今從南行雜錄尚長于槍術

心西國大名多太閤恩眷者馳檄傳命應悉來集東國大名

以伊達政宗為首遣使敦諭誰敢不應亟誅東市正以舉義

兵則事必成矣議定二十三日旦元還大阪謁秀賴告神祖

之命舉以三事曰臣之所言有所裁決則臣宜再往駿府以

報大御所大虞院使侍女傳命曰吾雖未嘗見汝而此重事

也不可使他人啓之宜擇良辰登城吾面聞之其實欲使近

臣殺之家忠日記冬夏事記並曰使大野修理渡邊內藏助木村長門守殺之難波戰記曰薄田隼人正石河伊

豆守二人多力驍健故命之未知孰是旦元不知其謀還家待期先是織田常

真流寓京師十餘年大虞院以其有中表之親使居大阪天

滿第以為緩急可恃至是招于城中密告之曰片桐東市正

包藏禍心今欲誅之以敵關東請為大將總督諸軍常真辭

曰殺東市正則關東怒盛敵之甚難宜輟其謀以圖保全切

諫再三大虞院終不聽常真歸天滿第招石河貞政議之貞

政與片桐元重相善故欲左右之而又不欲叛秀賴乃以密

謀悉告元重斷髮遁于高野山難波戰記曰大阪城中盛稱石河貞政黨于旦元貞政

聞之欲與大野治長渡邊尚交刃而死登城橫刀睥睨座中

大言曰聞貞政有罪當誅今吾戴吾頭來亟取之貞政素有

勇名狀貌魁偉背裂髮立人皆畏之無敢擬之者貞政遂出

奔諸書所不載故附于此按諸書貞政後與諸軍圍大阪城

且戌責

卷十六

三十八

十五日常真召旦元之臣小島莊兵衛於天滿第告曰今日  
 秀賴母子召東市正於城中託見之而實使親臣殺之難波戰記  
冬夏事記為二十四日事莊兵衛大驚馳歸告之旦元將東  
今從家忠日記松榮紀事裝登城聞之歎曰黃吻輩妄生事右府運傾可翹足而待也  
 常真使舊臣津田興庵與板倉勝重謀舟而迎己竟去大阪  
 奔京師大虞院使大野治長召旦元旦元稱病不出治長恒  
 擾以為彼既知密謀為之奈何城中管鑰皆彼所掌登時奪  
 城噬臍無及不如急攻之乃沒旦元采邑議發兵旦元聞之  
 亦與元重議聚兵其第為拒守之計而其第地勢頗險固不  
 輒易攻故治長欲離間旦元兄弟與諸將議遣使誚責元重

曰往年右府公患痘危篤子語濟輩曰若有不諱必當殉死  
 今叛主君而黨于東市正何與前言相反也元重曰我為主  
 君捨生輕於鴻毛雖然家兄東市正赤心盡忠彌縫國家反  
 為讒臣構陷無罪被戮我所不解也東市正實有不臣之迹  
 則大義不顧親我立誅之不復煩君輩動兵也今不問曲直  
 妄加誅戮則寧與家兄同死不能受君輩頤指氣使也年譜創業  
記駿府記德川記家忠日秀賴近臣今木源右衛門往旦元  
記難波戰記松榮紀事第說曰城中有八門其二織田有樂與七隊長所掌其餘皆  
 吾子與主膳正所掌中夜勒兵潛入城中先奪牙城驅擯西  
 城戍兵誅戮大野兄弟告狀關東以待處分若關東不容則



據城一戰。以決雌雄。計無過之者。旦元曰。不然。吾毫無反心。唯欲待讒者來攻。放一矢以自殺。若嬰城舉兵。則是反也。何以明吾素志耶。源右衛門曰。然則送質乎。旦元曰。是吾志也。源右衛門還城。述旦元之言。秀賴意解。難波戰記大野治長又與諸將議。遣使諭旦元曰。子今忤命不來謁。而聚兵城下。不免反者之迹。若欲納諫。宜退城下。以漸上言。旦元乃獻四門鑰匙曰。臣雖盡忠。反為不忠。所憂天奪右府公之鑿。不能永保國家。臣不勝悲慟。將避入高野山焉。家忠日記。德川記。慶元記。難波戰記。

松井甲太郎書

烈祖成績卷之十六終

